

# ЛЕНИН ТУЫ

ҚКП СОЛТУСТІК ҚАЗАҚСТАН ОБЛЫСТЫҚ КОМИТЕТІНІҢ, ЕҢБЕКШІЛЕР ДЕПУТАТТАРЫНЫҢ  
ОБЛЫСТЫҚ СОВЕТІНІҢ ЖӘНЕ ҚКП ПЕТРОПАВЛ ҚАЛАЛЫҚ КОМИТЕТІНІҢ ГАЗЕТІ

№ 213 (9275) | 1953 жылғы 21 октябрь Сәрсенбі | Шығуына 34 жыл  
жеке саны 20 тыйын.

## Әрбір колхоз бен МТС мамандармен толық қамтамасыз етілсін

Социалистік ауыл шаруашылығын оған әрі өркендету міндеті отандық техниканы тиімді пайдалануды, ғылым мен өзат тәжірибенің табыстарын өндіріске бағыт енгізуді талап етеді. Бұл талапты ойдағыдай жүзеге асыруда ауыл шаруашылығының мамандары — агрономдар, зоотехниктер, мал дәрігерлері, инженерлер, механиктер, тракторшылар, комбайншылар, барлық механизатор кадрлары шешуші роль атқарады.

СОКП Орталық Комитетінің сентябрь Пленумы колхоз, совхоз және МТС өндірісінде ауыл шаруашылығы мамандарының, механизаторлардың ролдерін жоғары бағалап, олардың жұмыстары инициативасы мен белсенділіктерін оған әрі арттыру үшін қажетті материалдық және мәдени жағдайдың бәрін жасаудың шараларын белгілеп берді. Сөйтіп, партиямыздың Орталық Комитеті ауыл шаруашылығы мамандарын өндірістің дағдыры шешімін айтқан жерде тікелей жұмыс істеп, егіншілік пен мал шаруашылығы мәдениетін арттыра беру күресіне зор үлестерін қосуға шақырды.

Партияның шақыруы, бүгін еліміздегі аяқты, облысымыздың ауыл шаруашылығы мамандарының, механизаторларының зор қолдауын тапты. Тракторшылар, комбайншылар колхоздар мен совхоздардың егіс даласында еселенген жігірмен еңбек етіп, ауылшаруашылық жылың үлгілі аяқтау жолында социалистік жарыс туын жоғары көтеруде. Агрономдар мен зоотехниктер және механиктер егіншілік пен мал шаруашылығының мәдениетін арттырудың, техниканы тиімді пайдаланудың ұйымдастырушысы болуда.

Бұл күндері партия ұйымдарына өнеркәсіп орындарында, мекемелер мен ұйымдарда жұмыс істеп жүрген ауыл шаруашылығы мамандарының, механизаторлардың арыстары көптеп түседі. Олар өздерінің арыстарында партияның шақыруы бойынша ауылшаруашылық өндірісінде тікелей жұмыс істеп, елімізде халық үшін азық-түлік молшылығын, жеңіл және тамақ өнеркәсібі үшін шикізат молшылығын жасау күресіне нақтылы істерімен үлес қосу жөнінде тілек білдіреді. Мамандардың орынды тілектері жүзеге асырылуда. Мәселен, Мамлют ауданыда ауыл шаруашылығы және дайындау бөлімінің мамандары: зоотехник Каплюков және агроном Носова Буденный атындағы кол-


ұйымдастыру жұмыстарын өте бауырлап жүргізуі төзгісіз жағдай. Машина-трактор станцияларын және колхоздарды маман кадрлармен толықтыруда қала партия ұйымы зор көмек көрсете алады. Өйткені, қаланың кәсіпорындары мен мекемелерінде 600-ден астам ауыл шаруашылығы мамандары жұмыс істейді. Бұлардың бірқатары МТС-тер мен колхоздарда жұмыс істеу үшін арыз берді. Бірақ, не пайда, бастауаш партия ұйымдары мен қалалық партия комитетінің жұмысты нашар ұйымдастырулары салдарынан қаладағы мамандардан деревняға небары 57-ақ адам жіберілді. Қала партия ұйымының бірсыпыра басшы қызметкерлері мамандардың тілектерін үнемі қолдан, олардың арасында тиісті саяси-түсінік жұмыстарын жүргізбейінше, деревняға мамандарды жіберу міндеті өз-өзінен орындалмайтынын әлі де түсінбейтін көрінеді.

Қаланың кейбір кәсіпорындарының басшылары ауыл шаруашылығына барғысы келген мамандардың тілегіне нәтижесіз қарап, тиісті олардың мүддесінің орындалуына бөгет жасайды. Орталық жылу электр станциясының директоры Болотов және Киров атындағы заводтың бұрынғы директоры Билық жолдастар деревняға баратын мамандарға тиісті айнадай көмекті көзінде бермеу әрекетін жасайды. Мұндай торылар басшылардың көселді әрекеттеріне тыйым салынуға тиіс.

Қала партия ұйымының міндеті — кәсіпорындары мен мекемелерде және ұйымдарда жұмыс істеп жүрген ауыл шаруашылығы мамандарының, механизатор кадрларының арасында партиялық-саяси жұмысты мейлінше кеңінен өрістетіп, олардың МТС, колхоз өндірісіне көптеп баруына көмектесу болып табылады. Бұл үшін мамандарға СОКП Орталық Комитетінің сентябрь Пленумының қаулысын терең түсіндіру қажет. Бұл жұмыста керітартпалыққа салынушылардың әрекеттеріне тыйым салу керек. Сөйтіп, қаладан деревняға баратын мамандарға жан-жақты қамқорлық ұйымдастыру қажет.

Атап айтқаны бір мәселе сол — аудандардың бірқатарында күні бүгінге дейін ауыл шаруашылығы мамандарын МТС-тер мен колхоздарға жіберу ісі мүлдем қанағаттанғысыз болып отыр. Мысалы, Совет ауданының орталығындағы мекемелер мен ұйымдарда 50-ден астам ауыл шаруашылығы мамандары жұмыс істемей отыр.

## Облыстық ауылшаруашылық көрмесінде



Облыстық ауылшаруашылық көрмесінде. СУРЕТТЕ: көрмеге қатысушылар «Механизация» павильонында (сол жақтағы) мал азығын буландырғыш — «ЗКП — 10» агрегатын, дақылдар павильонында (оң жақтағы) «Біздің облысымыздың мал азығының қорлары» деген экспонатты қарап жүр. Суретті түсірген А. Розенштейн.

## ИГІЛІКТІ НӘТИЖЕЛЕР

Бұл күндері қала еңбекшілері демалыс және мәдениет паркіне тек-легімен ағылып келуде. Олар быйылғы жылы облыс колхоз, совхоздарының ауыл шаруашылығында қол жеткен табыстарын баяндайтын көрмемен қызыға танысуда.

...Парк ішіне кіріп, павильонға қарай беттегеніңізде жолдың екі жағында қызыл маталарға жапсырылған диаграммалар елімізде ауыл шаруашылығының өркендегені, колхозшылардың мәдениеті мен ауқаты жақсара түскендігін бейнелейді. Одан әрі-ренте облыстағы Социалистік Еңбек Ерлерінің портреттері ілінген. Олардың ішінде есімдері еңбекшілерге көптен таныс А. Асадулаев, И. Калмыков, П. Пономарев жолдастар бар.

Егін шаруашылығына арналған павильонда ауылшаруашылық дақылдарының барлық түрлері көрсетілген. Мұнда жаздық бидай, арпа, жүгері, сұлы, қант қызылшасы, картоп және овощ өкелінген. ...Міне жаздық бидай стөнді. Ірі масақты бау дөңге толы. Оған жапсырылған қағазда «Булаев ауданы «Новый путь» колхозы, бидайдың әр гектарынан 33 центнерден өнім алыпты» деп жазылған. Колхоз мүшелері мұндай табысқа агротехника ережесіне сәйкес ерте жыртылған парға тү-

Ауыл шаруашылығы насихатын және ғылым мен алдыңғы қатарлы тәжірибенің табыстарын өндіріске енгізу ісін жете бағаламауға тыйым салынсын, алдыңғы қатарлы тәжірибені кеңінен қолдануды ауыл шаруашылығына басшылық етудің үздіксіз бөлегіне айналдыру қамтамасыз етілсін.

(СОКП Орталық Комитеті сентябрь Пленумының қаулысынан).

## Октябрь мерекесі құрметіне

### Үн үгушілердің тартуы

ССРО Жоғарғы Советінің V сессиясы мен СОКП Орталық Комитеті сентябрь Пленумының қарарлары «Сельхозмуканың» Петропавл завод басқармасына қарасты диірмендер коллективтері арасында зор өрлеу тұтылды. Олар өздерінің күш-мүмкіншіліктерін сарқа пайдалана отырып, үн үгудің жоспарын айдан айға асыра орындап келеді.

Явленка диірменінің коллективі Октябрь мерекесі құрметіндегі социалистік жарысқа қызу ұштасып, өндірістік тапсырманы мінсіз орындауда. Коллектив үшінші төқсанда үн үгу жоспарын мерзімінен бұрын орындап шыққан болатын. Мұнда октябрь айына белгіленген өндірістік жоспар да ойдағыдай орындалып келеді.

Үн үгуде диірменнің таңдаулы жұмысшылары Свириденко, Муконья жолдастар жоғары көрсеткіштерге жетіп жүр. Көзір, мереке алдындағы социалистік жарыс күндерінде олар күндіз тапсырмаларын ұдайы асыра орындайды.

С. МИХАЙЛОВА.

### Құрылысшылардың жарысы

Петропавл станциясының № 2 құрылыс участогінің коллективі құрылыс жұмыстарын тез атқару, оның өзіндік құнын кеміту жолында күш-мүмкіншіліктерін аямай жұмсауда. Әресе, соңғы уақытта, Ұлы Октябрь социалистік революциясының 36 жылдық мерекесі құрметіндегі социалистік жарыс күндерінде коллектив бірқатар елеулі табыстарға жетті.

Ұлы мерекеге лайықты өндірістік тарту әзірлеу мақсатымен құрылыс участогі осы жылғы 7 ноябрьға дейін еңбек өнімділігін 125 процентке дейін арттырып, үй салу, жөндеу жұмыстарын тез аяқтауда, 20 мың кірпіш, 10 тонна цемент, 2 тонна әк, 100 теклеметр шыны үнемдеуге міндеттенген еді. Өндіріс мүмкіншіліктерін тиімді пайдалана отырып, участоктің құрылысшылары көзір өздерінің бұл ұлғайтылған міндеттемелерін ойдағыдай орындап келеді.

Участокте, әресе, құрылыс мастері Селютин жолдас басқарған құрылысшылар өздерінің мереке қарсаңындағы социалистік жарысқа өздерінің қолынан келгенін асыра орындайды.





